

Orator Christianvs Caroli Regii E Societate Iesv

Reggio, Carlo

Romæ, 1612

Esse aliquam falsam Rhetorica[m]. cap. 3.

[urn:nbn:de:hbz:466:1-68672](#)

Hebraica, quando fuerint translata ad alteram linguam, non
apparet, si quid desideretur in eloquentia, non referri causam
in curam, sed in ipsam linguæ proprietatem, quæ in alienis lin-

*2. Mach.
15.*

guis, vim natuam conseruare non possit. Et scriptor Macha-

bæorum, ita ultimum caput concludit. Et si quidem bene, & ve-

historiæ competit, hoc & ipse velim, si autem minus dignè, con-

cendum est mihi, sicut enim vinum semper bibere, aut semper
aquam, contrarium est, alternis autem utrū delectabile, ita le-

gentibus, si semper exactus sit, sermo non erit gratus, & prof-

teretur adhibitam a se curam, ut volentibus quidem legere, esset
animi oblectatio, studiosis vero ut facilius possint, memoria

commendare, omnibus autem legentibus utilitas conferatur,
& addit. Sicut qui præparant coniuicium, & querunt aliorum
voluntati parere, propter multorum gratiam, libenter laborem
sustinemus; Itaque tantum abest, ut stylum neglexerit faci-

author, ut etiam plenum vigilarum, ac fudoris assumptum
sibi, negotium dieat, ut placaret, & narrationem accommo-

daret ad legentium voluptatem, sicut iij, qui diligenter con-

iuicium instruunt nimirum, non ut id faceret, quod coquinaria

Rhetoricæ tribuit Plato, ut mox dicemus, sed ut per delecta-

tionem tanto magis prodebet. Recte enim Augustinus sic

Li. 4. Doct. (ait) sœpè sumenda sunt, & amara salubria, ita semper vita-

Cbr. c. 2. da perniciosa dulcedo, quanto enim magis, illic appetitur sua-

uitas, tanto felicior salubritas prodest.] Et planè inesse vim
oratoriam in sacris literis, superiucaneum est, post ipsum

Augustinum, velle docere cum tantus Doctor, vel in ipso Pro-

phetarum, maximè rudi Amos, etiam in observatione perio-

dorum, commatum membrorum inesse fusè demonstrat. His
positis facile est, obiecta diluere, sed planius tota res illustra-

bitur, si de Rhetorica sæculari, nouo quasi sumpto principio,
paucia interferamus.

Esse aliquam falsam Rhetoricam. Cap. III.

Sciendum est apud ipsos quoque Ethnicorum nonnullos,

Rhetoricæ nomen male audiuisse, & ea est causa, quia vt

mors, & vita in manu est lingua, & gladius idē, potest ferire

hostem, ac ciuem, noxiū & innocentem. Ita præcepta Rhe-

toricæ quemadmodum loquitur S. Augustinus in medio posita

sunt, quæ ad persuadenda, seu recta, seu falsa valeant plurimū.

Nazianz. dicendi facultas, ut probis (inquit) & honestas

virtute

*Prima Orat.
in Julianum.*

virtutis instrumentum, atque armatura est; Ita improbis; & flagitosis, virtutis stimulus efficitur.] Sicut igitur laudes plurimae congeruntur in lingnam, & in eandem vituperationes plurimae, ita possunt in eloquentiam eadem conuenire. Non quod vitium in ipsa sit, sed quia ex abutentis crimine redundat in eam, tanquam in instrumentum infamia, quemadmodum & aurum, cum per se bonum sit, vitaque humanae ac liberalitatis instrumentum, per quamdam tamen communicationem, ex hominum prauitate, cuius instrumentum & occasio est, solet valde vituperari. Cum igitur multi ad maxima rerum publicarum damna, abusi eloquentia sint, inde factum est, ut veri res noxia, ab ijs, qui segregare subtiliter nesciebant bonum a malo, Rhetorica condemnaretur, & a sapientibus quoque ejiceretur e ciuitatibus recte institutis; Auxere innuidam Rethores quidam, qui palam profitebantur, docere se, quemadmodum in iudiciis causa ex peiore melior fieret, quod erat palam iustitiae bellum indicere, idemque, ut Plato loquitur, In Phaedro. profitebantur se vi orationis efficere, ut parva esse magna, & magna vicissim parva, vetera noua, & nouissima vetera viserentur; Auxere in eam odium magis ijs, quos appellarent antiqui sophistas, audum pecuniae genus, gloriosum, ac iactandum, qui profitebantur, de re quacunque se in utramque partem dicturos ex tempore quos Plato sepe ac vehementer exagit. Et quia (ut ipse docet) idem est sophista ac Rhetor, In Gorgia. vel propinquum aliquid, atque simile, inde factum est, ut sophistarum quoque infamia in Rethores redundaret.

Veruntamen laudibus verae eloquentia nihil haec debent offere: Nam omnium sapientum sententia, distinguenda sunt duas Rhetoricas, Altera vera & laudabilis, altera adulterina, ac Rhetorica, iure vituperabilis. Expressas hasce volunt apud Homerum in duplex bona & mala. Vlysse ac Tersite, quorum ille sapienter, & ex pectore orationem fundere dicebatur, & tanquam incundum quemdam niuium sensim, & absque strepitu labentium imbre, Hic temere, & impudenter, magnoque cum strepitu, litigabat potius, quam dicebat. Itaque Iulius candidus (ut loquitur Plinius) Lib. 5. Ep. non inueniente solebat dicere, aliud esse eloquentiam, aliud loquentiam, nam eloquenter vix unius aut alterius; Imo si Marco Antonius credimus nemini, Haec vero, quam candidus loquentiam appellat, multis atque etiam impudentissimo cinque maxime contingit.] De hoc genere dixit Eupolis Poeta Graecus, & eum imitatus Salustius loquax magis, quam facundum, & alio loco, idem

Abusi sunt
plerique Rhei-
torica.

N 4 co, idem

Gell. I. 1. *co, idem Salustius satis loquentia sapientia parum.] Quos homines prisci Romani non Oratores, sed Locutuleios, & Blatrones, & Linguaces dixerunt, ut author est Gellius. Arist. differt docet, sicut Dialetica depravatio sophistica est, & caullatrix peritia, ita habere suum malum eloquentiam, quo depravetur; Quamquam haec eius pratitas apud Arist. videatur eo loco, nomine suo carere; Vnde scilicet factum est, ut cum laus sua Dialetica permanserit, quamvis Sophista poneretur in vitio, Rhetorica propè infamiam subierit etiam vera, quia eodem ac falsa nomine appellabatur. Et sanè diligenter est obseruandum, ut in natura, sic in disciplinis, & artibus, vicia quædam esse vicina, in qua, res, de suo demota statu degenerant, triticum ex malignitate soli, corrupti dicunt in avenam, & lolium; vinum satis est notum vitiari in acetum, in rebus humanis, monarchia in tyrannidem, Aristocracia in Oligarchiam, Popularis dominatus, in tenuiorum potentiam modica inclinatione transfeunt. Et fortitudinem (inquit Cic.) audacia imitatur, & patientiam duritia immanis. Et illam dispendandi prudentiam concertatio, captatioque verborum, & haroriorum vim, inanis quædam profluentia loquendi.]*

In Partit.

In Gorgia. Sed omnium optimè, ac fusissimè Plato in hunc fermè modum disputat. Ad corpus rectè habendum duas esse attes, Gymnasticam, & Medicinam, quarum prior sanum corpus respicit,

altera ægrotum spectat, ut valetudini reddat, duas item, proportione his respondere ad animi rectam constitutionem, facultatem legalem, quæ dat præcepta rectè viuendi, & iudiciorum,

atque ita, quod corpori est medicina, hoc animo esse Iudiciorum,

quodque est corpori Gymnastica, hoc legalem esse animo. porro hisce quatuor veris, & honestis, artibus, quatuor

esse persimiles illiberales peritias, quas ad unicum adulatio-

nis caput renovat, quia solum valent ad gratiam quamdam,

professoribus suis conciliandam, legali, respondere dicit so-

phisticam, Iudiciorum falsam Rheticam, quæ duæ ad animum

pertinent, earum vero quæ pertinent ad corpus, Agonistica

imitationem, esse fucatoriam quamdam, & mangonicam so-

lentiam, quæ non verè bonam habitudinem, sed apparentem,

solum quamdam oculis speciem inducat, Medicinæ vero do-

cet, respondere, industriam coquinariam; Deinde comparans

inter se falsas hasce artes, & illis animi, illas corporis op-

ponens, cum Rheticam veram hic, & clarius in phædro fa-

tuat,

tnat, doceatque esse medicinam: falsam dicit esse Coquinariam facultatem. Nam quemadmodum, id solum studet coquus, qua ratione palatum mulcet, & oblectet, non autem quomodo conseruet valetudinem, vel restituat, neque rationes eius efficienda nouit, neque ad eam suum opus accommodat, ita Rhetorica, quæ debuit esse medicina animi, dum solum occupatur in efficienda inani voluptate, coquinariam fieri. Talia cum sint, facile apparet, quod à Sanctis reprehendatur eloquentia genus, id nimirum, quod ad decipientium adhibetur, vel quo falsa per artis lenocinium suadentur. Deinde id, quod assumitur ad inanem ostentationem ingenij atque iactantiam, tertio, quod nō ad utilitatem veram auditorum refertur, sed ad futilem prurientiū aurium titillationē, eōq; nil nisi ludicrū quasi tinnitū cymbali habet. Præterea id, in quo solo is qui verba facit deposita habet suā vim, spemq; omnē persuadendi cōfideas, sua arte se effeturū, ut res perinde videantur, ut ipsi libitū fuerit. Ideo sanctus Paulus negat, prædicationē suam esse in persuasibilius humanæ sapientiæ verbis, non quod temerè loquuntur, & sua industria, quam Sanctus spiritus dirigebat, non ex cogitaret, quemadmodum posset, Christi doctrinam auditoribus, quam apitissimè proponere. Sed quia in rebus, & cogitandis, & dicendis, non respiciebat humi affixam hominū tapiētiam, cui Crux Christi stultitia erat, neque per se se persuasibilia populo loquebatur, id est inaniam, & placentia, magnificam, adhibens adulantium pompam verborum, ut ij faciebant, qui suā ostentationi, vel auditorum delectationi famulabantur, sed nunquam Euangelium Christi erubesceret, quamvis mundi sapientibus stultitia videretur, nunquam quā sua essent quā rebat, quia volebat totam Christi Crucis laudem, totam utilitatem auditoribus cedere. Interim tamen ille, quo uteretur, loquendi modus erat apitissimus, atque adeo eloquentia perfecta, primū quia, quo oratio erat simplicior tanto aberat loquaciam à suspicione fallacia, cum persuasum sit omnibus, Veritatis simplicem esse sermonem, Deinde quia volebat tunc Deus certiore quadam via fundari Ecclesiam, magnis nempē, manifestisque miraculis, ut nulla unquam suboriri posset suspicio, sapientiæ aut eloquentiæ humanæ viribus esse fundatam. Volebat igitur, sanctus Paulus, virtutem apparere, Crucis Christi dum ea, quamvis tantum abhorret à communi hominū sensu, tamen fidem inuenire, eamque fidem esse non in sapientia hominum, sed in virtute Dei. Et hanc ob causam D. Christost,

Quæ nā Eloquentia reprehendātur
a Sanctis.

1. Cor. 2.
02 32400.01
• 916212

Contētio de
Eloquentia
Pauli, & Pla-
tonis.

repre-

reprehendit quemdam Christianum, qui cum Ethnico altercatur, contendens eloquentem S. Paulum, magis, quam Platonem fuisse; & ait contrarias vitrumque egisse partes, ac deberet, Debuisse enim Ethnicum ostendere, sanctum Paulum fuisse eloquentissimum, ut inde concluderet, religionem Christianam humana proeminatam industria: Christianum vero vito concedere sancto Paulo eloquentiam defuisse, vt tanto certius concluderet divinum opus, fuisse, mundi ad Christum conuercionem. Cum philosophi illi Græcia, quorum admirabilis, & doctrinae, & eloquentia copia fuit, adeo paucos ad suas, pellere, sectas potuerint. Hæc tamen omnia neutquam oblitæ, quo minus sanctus Paulus adhiberet industriam, in tractanda hominum animis, quam conuenientissime fieri posset, cum ob id, omnibus, omnia fieret, & congruentissimum rei, locoquendi genus afferret, in quo perfectæ facundia sita vis est. Nec vero Christus Dominus, cum dixit Apostolis, ne cogitarent, quomodo, aut quid loquerentur ante Reges & Praesides, insit esse socordes, ac stupidos, sed noluit sollicitudine angelorum noluit desperare, suam considerantes inscitiam, noluit demum sibi confidere, sua diligentia nixos, nā si quis intelligat vetus esse eos præmeditari sapienter, quia dixit, nolite cogitare, quomodo aut quid loquamini, eodem modo intelligere posset, prophetat agriculturam, & omnem aliam rei domesticæ curam, quia item Dominus dixit, nolite querere, quid manducetis, aut quid bibatis, hæc enim omnia gentes inquirunt, pater autem vester scit, quia his omnibus indigetis, quamquam hic locutus non magis potest afferri contra eloquentiam, quam contra omnem prudentem cogitationem, si sonus verborum dumtaxat consideretur, quo nihil dici potest absurdius. Nam vt optimè docet S. Augustinus, Paulus Apostolus ad Timotheum, & Titum scribens, non solum tradidit eis quid, sed etiam quomodo, vnumquodque personarū genus deberent instituere iubens eos in his esse, & meditari. S. autem Petrus non tantum prædicatoribus, sed vniuersis fidelibus loquitur, cum dicit, parati semper ad satisfactionem omni poscenti vos rationem reddere de ea, quæ in vobis est spe. Volut ergo Dominus Apostolos fiduciam in Deo reponere. Et ad id, famulum quoque suum Franciscum, quem per Apostolica deducebat vestigia, erudire voluit, cum fecit, vt minus aptè loqueretur, cum se accuratus preparauerat. Et qui puniti diuinitus narrantur, quod vellent sacræ libris cultum elegantiorē inducere, non odio eloquuntur.

Explicatur
locus Matth.
10. nolite co-
gitare.

4. de Doct.
Cbr. c. 10.

tix puniti sunt, cum ea; (vt diximus) in sacris libris, & perfe-
ctissima sit. Sed quia Deus, qui nouit, quod genus dicendi, rei
cuique conueniat noluit illam à Sancto spiritu eloquitionem,
elecam deformari, quia illa aptissima est, & adeo conseruan-
da, vt nec puncta, nec apices vacare mysterijs. S. Hierony-
mus dicat, & fortasse ijdem fastu aliquo inflati, falsæque elo-
quentiæ corrupti specie, sapientissimam diuini verbi eloqua-
tionem, quia non agnoscebant aspernabantur, & propterea vole-
bant complecti elegantius, quia existimabant, posse aptius se
inuenire dicendi genus, quam ipsi sacri authores adhibuerint.
Nam alioquin si paraphrasim, elaboratam, humili, piaque men-
te voluissent confidere, vt rudiorum quoque oculis, sapientis-
sima Eloquentia appareret, non videntur, condemnandi suisse,
cum id impunè, imo cum laude videamus à multis, & prosa,
& carmine facilitatum.

In ps. 90.

Quanam sit vera, & falsa Eloquentia. Cap. IV.

Hactenus tria docuimus, esse aliquam Eloquentiam bo-
nam, esse aliquam malam, Itemque sacris etiam rebus,
quæ bona est, posse laudabiliter adhiberi. Quæ tria planè apud
mediocriter eruditos nihil dubitationis, aut difficultatis ha-
bebant, In eo labor est, vt vera eloquentia distinguitur à fal-
sa, certaque assignentur nota, vnde possit vtraque dignosci,
ac mala vitari, postremò ex bonæ eloquentiæ formis, quæ
nam maximè sacris concionibus debeatur: quæ vt pro nostra
tenuitate, quam clarissimè exponantur, Animaduertendum est
Artem vt Ar: docet esse habitum, cum recta ratione factuum,
cōtrarium vero artis habitū faciūm cum falsa ratione, Itaq;
vbi ratio recta non adest, nec adest ars. Recta autē ratio præci-
pue spectatur ex fine cuiusq; artis, quō propōsito talis materia
dēligenda est, eique certa, inducenda forma ea ratione ac mo-
do, quemadmodum ars ipsa præscribit, Itaque fieri potest, vt
ars ipsa destruatur, vel ratione finis, vel materiæ, vel formæ in
materiam inducendæ. Aedificandi ars habet pro fine habitu-
tionem commodam ad hunc consequendum, necesse est artifex
legat aptam materiam, & mente concipiāt idoneam formam,
quam secundum artis præcepta, ædificationem faciendo, mate-
riæ imponat, si ex charta domus fiat, quamvis testum, parietes,
& cetera distinguantur, non erit vere domus, quia deest apta
materia, si colligas cémenta & ligna, & in unum cumulum te-
mice aggeras, neque item erit domus quia forma desideratur,
ædifi-

6. Eth. c. 4.

Ars tria st-
tendit finem
Materiæ, for-
mam.